



UNIVERSITÄTS-  
BIBLIOTHEK  
PADERBORN

**Princeps Christiano-Politicus Septem donis Spiritus sancti  
instructus Anno M.DC.LVI.**

**Faust, Reinhard**

**Herbipoli, 1667**

Caput IV. Intellectus Expugnatio.

---

---

**Nutzungsbedingungen**

[urn:nbn:de:hbz:466:1-55326](https://nbn-resolving.org/urn:nbn:de:hbz:466:1-55326)

terones, mille Palpones, Politici  
 in omni arte; pallati, sagati, toga-  
 ti, scientiarum & virtutum sche-  
 matis & simulacris perinsignes  
 mille: at omnes fermè Taciti  
 Achyllis hastam vibrare non va-  
 lent, veritatem dicere non au-  
 dent, atque ita Principis intelle-  
 ctum veritatis recitentiâ exani-  
 mant.

---

## CAPUT IV.

### *Intellectus Expugnatio.*

**E**st & aliud, penè grandius  
 mendacio malum, instru-  
 mentum ad prostituendum &  
 evertendum Principis intelle-  
 ctum potentissimum. Fortuna,  
 Sapientia & Intellectus in thro-

DE INTELLECTV. 43

no Salomonem collocârunt, at-  
que eouſque extulerunt, ut in-  
ter filios hominum non potue-  
rit reperiri, ſive opibus, ſive na-  
turæ donis, ſive intellectu & ſa-  
plentiâ ſuperior. Contemplare  
Regis Maieſtatem in purpurâ,  
authoritatem in ſceptro, in re-  
gnorum amplitudine poten-  
tiam, copiam & magnitudinem  
in gloria, voluptatem tantam,  
quâ majorem mens ſenſusque  
humanus nec deſiderare, nec  
capere potuiſſent. Oppugnâ-  
runt regiæ maieſtatis robur, in-  
tellectum, ducem & auctorem  
omnis opulentia & ſapientia  
Inordinati affectus, amores non  
depugnati expugnârunt, victrix  
intellectus & rationis effecta eſt  
intem-

## 44 DISCURSUS II.

intemperantia: cecidit corona,  
 fracta sunt sceptrā, decolorata  
 est purpura, sapientia evanuit,  
 Majestas periit; factus penè est,  
 sicut equus & mulus, quibus  
 non est intellectus, intelligentis-  
 simus & sapientissimus Salo-  
 mon. Prò catastrophē! Filium  
 Regis, Regem, regnorum gu-  
 bernaculum, sapientiæ miracu-  
 lum, everso intellectu, ipsis amo-  
 rum mancipiis, improbus amor,  
 conscelerata voluptas, turpissi-  
 mus verna, spurcissimus leno,  
 ganeo prostitutus, voluptatis il-  
 licitæ appetitus subjecit! Re-  
 gem duxit in triumphum incon-  
 tinentia, & regno, nisi resipue-  
 rit, exclusit æterno. Atque sic  
 æternæ mortis instrumenta sunt  
 istæ

DE INTELLECTV. 45

istæ intemperiæ. In templo Veneris adumbrati visebantur lascivi amores, qui veluti vespillonnes gloriæ spiritus sepeliebant; iidem, decerpto mentis fructu, & extincto splendore in templo rationis, radicem intelligentiæ intellectum tumulo condiderunt. Marcus Antonius, Cleopatra, Hannibal, iisdem implicati funibus, gloriosi antè hostium victores, intemperantiæ palmam porrexerunt, & everso intellectu contabuerunt: Celtam Paridis, quàm Achyllis ferreum thoracem eligere maluerunt, ut Helena mortiferis amorum sagittis, discusso ex capite cerebro, arma ex manibus facillimè excusserit. Usu vini nimio Ho-  
lofer.

46 DISCURSUS II.

Iofernes obrutus intellectuque  
captus funestam tragœdiam  
spectatoribus Betuliæ exhibuit:  
Convivia, ebrietas, erapula &  
amor tam tremendi Ducis in-  
tellectum extinxerunt; gemmæ  
& cætera cimelia tam exornatæ  
ad amores Heroidis eum in ru-  
bro sanguinis sui mari suffocâ-  
runt.

---

CAPUT V.

*Intellectus Eversio.*

**V**olupiam Deam voluptatis  
colendam esse docebant  
Trismegistorum scholæ; pro  
execrandam disciplinam, quâ  
omnis veræ disciplinæ radix ex  
humana mente eradicatur! hac  
disci-